

Cyngor Cymuned Dolbenmaen

Cofnodion cyfarfod misol y Cyngor a gynhaliwyd ar y 5ed o Fedi 2019.

- 1 Presennol - Edward Evans (Cadeirydd) Richard Parry - Bryncir, John Jones, Anwen Humphreys, Clifford Williams - Garndolbenmaen, Gwilym Evans - Prenteg, Huw Pritchard, Delyth Evans - Pentrefelin, Amanda N Owen Megan Ll Williams - Golan, Dafydd Thomas, Gwenno Huws Iddon Edwards - Penmorfa.

Croesawyd Iddon Edwards i'w gyfarfod cyntaf ac arwyddodd Datganiad Derbyn Swydd.

- 2 Ymddiheuriadau - Richard Williams, Cyngorydd Alwyn Gruffydd, Cyngorydd Stephen Churchman.
- 3 Ddim yn bresennol- neb.
- 4 Datgan buddiant - Gwilym Evans eitem 6 Materion Priffyrdd, eitem 13 Cais Cynllunio.
- 5 Cywirdeb y cyn-gofnodion - 4/7/19. Richard Parry yn datgan eu cywirdeb a John Jones yn eilio.
- 6 Materion yn codi o'r cyn-gofnodion

Problemau Parcio Garndolbenmaen - cynhaliwyd cyfarfod safle rhwng Cyngorwyr Garndolbenmaen ac Iwan ap Trefor, Cyngor Gwynedd. Penderfynwyd y byddai arwydd yn cael ei osod ar y polyn golau yn gofyn i bobl i beidio parcio ar y palmant. Nid yw hwn wedi cael ei osod. Clerc i gysylltu.

Bryncir - cynhaliwyd cyfarfod safle rhwng Cyngorwyr Bryncir ac aelod o staff yr Asiantaeth Cefnffyrdd i drafod diffygion rheolaeth traffig sy'n bodoli yn y gyffordd wrth Glandwyfach.

Hysbyswyd y Cyngorwyr nad oes ffordd i'w wella yn gyfan gwbl, ond bydd arwyddion mwy eglur yn cael eu gosod yno.

Rheilffordd Eryri - cysylltwyd gydag aelod o staff y rheilffordd ar 4 achlysur, ond nid oes eglurhad wedi cael ei dderbyn. Clerc i gysylltu.

Cynllun Dug Caeredin - derbyniwyd ymddiheuriad gan y sefydliad ynglŷn â'r digwyddiad yng Ngolan. Nodwyd fod sawl grŵp wedi bod yn cerdded yn yr ardal, a heb gael dyddiadau pendant, nid oedd yn bosib iddynt adnabod y grŵp dan sylw. Petai hyn yn digwydd eto, byddai cael dyddiadau yn galluogi'r sefydliad i adnabod y grŵp.

Rhaglen graidd cyswllt ysgolion - derbyniwyd e-byst gan Richard Green, Uwch Arolygydd Gwynedd a Carl Ffoulkes, Prif Gwnstabl. Cadarnhaodd Richard Green y bydd yr heddwes yn dychwelyd i'w ddyletswyddau yn cysylltu gyda'r ysgolion ym mis Medi. Roedd Carl Ffoulkes yn cydnabod effeithlonrwydd y rhaglen ac yn egluro ei fod yn gweithio gyda Llywodraeth Cymru i sicrhau rhaglen fwy cynaliadwy at y dyfodol.

Toriadau staffio Prifysgol Cymru Bangor - derbyniwyd ateb gan Yr Athro Carl Hughes, Pennaeth yr Ysgol Addysg yn ymateb i lythyr y Cyngor Cymuned yn datgan pryder am y toriadau i swyddi staff dwyieithog, sy'n dysgu ar gyrsiau hyfforddi athrawon. Cadarnhaodd fod y Brifysgol wedi ymrwmo i ddysgu pob un o gyrsiau AGA CaBan trwy gyfrwng y Gymraeg neu'n ddwyieithog.

Materion Priffyrdd - Lôn Cwmystradllyn i Prenteg. Gwaith cefndirol yn cael ei wneud. Yn dilyn, trafodaeth, penderfynwyd y byddai'r Clerc yn gwneud cais am gyfarfod rhwng yr Adran Priffyrdd, perchennog y tir a'r Cyngorwyr Cymuned.

Lôn Treflys - gwair wedi ei dorri.

Blwch Halen Allt Tŷ Mawr - y blwch wedi ei dynnu o'r safle.

Pwyntiau Gwefru Cerbydau Trydan - derbyniwyd manylion cyswllt ar gyfer gwybodaeth am y cymorth sydd ar gael i unigolion/sefydliadau sydd am osod pwyntiau gwefru cerbydau trydan. (<https://www.gov.uk/government/collections/government-grants-for-low-emission-vehicles>).

7 Mynwentydd

Mynwent Bethel

Pris cyflenwi bin - derbyniwyd un pris am gyflenwi bin. Y mater i'w drafod ymhellach yng nghyfarfod mis Hydref ar ôl i'r Clerc gael mwy o fanylion.

Angen clirio ysbwriel - Clerc i gysylltu gyda'r contractwyr.

Mynwent Eglwys Cwm Pennant- Angen atgyweirio rhan o'r wal. Clerc i gysylltu gyda Dylan Edwards.

8 Llwybrau Cyhoeddus

Cynhaliwyd cyfarfod o'r Pwyllgor Llwybrau Cyhoeddus cyn cyfarfod llawn y Cyngor. Adroddwyd na fydd unrhyw newid i'r rhestr o lwybrau sy'n cael eu torri. Ni dderbyniwyd cwynion am gyflwr y llwybrau.

Llwybr Glanaber i Glangors - llwybr yn cau. Clerc i gysylltu gydag Uwch Swyddog Hawliau Tramwy Cyngor Gwynedd.

9 Adroddiad Pentrefi

Pentrefelin

Perchnogion cŵn yn rhoi baw ci mewn biniau glas ail gylchu. Clerc i ofyn i Gyngor Gwynedd osod biniau baw ci yn Nhynllech, Pontfaen a'r Ganolfan.

Cwmystradllyn

Derbyniwyd gwybodaeth fod BT yn tynnu allan ciosgau yn yr ardal. Mae aelod o'r cyhoedd wedi cynnig i ofalu am y ciosg yng Nghwmystradllyn. Ni chaiff unigolyn fabwysiadu ciosg ac felly, derbyniwyd cais i'r Cyngor Cymuned wneud hyn. Cafodd y mater yma ei drafod tua 2 flynedd yn nôl. Clerc i gadarnhau'r union ddyddiad a chysylltu gyda BT a Chyngor Gwynedd.

Garndolbenmaen

Capel Isaf i'r lôn fawr - tyfiant angen ei dorri. Cysylltu gyda'r Adran Priffyrdd.

Gronfa Ddŵr i fyny at Craig y Garn - problem baw ci. Cysylltu gyda Chyngor Gwynedd.

Prenteg

Angen ail osod arwydd 'Dim Mynediad' ar yr ynys yng nghanol y pentref. Cysylltu gyda'r Adran Priffyrdd.

Bryncir

Lôn Bryncir i Llecheiddior Uchaf - pridd yn rhedeg i'r lôn. Cysylltu gyda'r Adran Priffyrdd.

Golan

Cyffordd Golan - Cwmystradllyn. Tarmac yn codi ar wyneb y ffordd. Cysylltu gyda'r Adran Priffyrdd.

10 Cyfethol Cynghorwr Ward Garndolbenmaen

Derbyniwyd 2 gais a chynhaliwyd pleidlais. Etholwyd Dylan Pritchard i lenwi'r sedd wag.

11 Gohebiaeth

Llythyrau gan Cyngor Gwynedd - Ymgynghoriad Cynllun Rheolaeth Tirwedd Llechi Gogledd Orllewin Cymru (ychwanegwyd manylion digwyddiadau yn y gymuned).

Gohebiaeth ychwanegol

- a Unllais Cymru - Model Rheoliadau Ariannol 2019.
 - b Unllais Cymru - Dyddiadau Hyfforddiant.
 - c Mantell Gwynedd - Cynhadledd a Chyfarfod Blynyddol Cyfrannu at Brydain Digarbon 13/11/19.
 - ch Mantell Gwynedd - Hyfforddiant Ymwybyddiaeth Diogelwch Sylfaenol 14/11/19.
 - d Mantell Gwynedd - Cymhorthfa Cyllidol 17/9/19.
- #### Ychwanegwyd
- dd Parc Cenedlaethol Eryri - dyddiadau cyfarfodydd Cyngorau Tref a Chymuned.
 - e Hyrwyddo Cyrsiau Cymraeg i Oedolion - cytunwyd i osod posteri yn y neuaddau pentrefi os oes cyrsiau yn cael eu cynnal o fewn y dalgylch.

12 Cynllunio

Rhestrau 15/7, 23/7, 26/7, 2/8, 15/8/19. Ychwanegwyd 2/9/19.

Ceisiadau Cynllunio

NP2/16/395C - Diddymu cytundeb Adran 106 yn ei gyfanrwydd. Y Bwthyn, Golan. LL51 9AQ Dyddiad cau 2/7/19. Gwrthwynebu.

NP2/16/454 - Codi sied amaethyddol tir yn Cefn Coch Isaf, Cwmystradllyn. Dyddiad cau 8/8/19. Dim gwrthwynebiad.

NP2/16/LB192 - Addasiadau hwyluso byw. Tŷ Newydd, Cwmystradllyn. LL51 9BQ. Ymestyn y dyddiad cau 1/10/19.

13 Materion Ariannol

Ceisiadau am arian: Marie Curie. Trafod ym mis Chwefror.

Monitro'r gyllideb: Dim gorwariant yn erbyn y gyllideb a osodwyd.

Gwirio llyfrau (CW a GEH) 1/4/19 - 30/6/19. Cafwyd yn gywir.

Rhannwyd poster "Rhybudd o Ganlyniad Archwiliad" i'w harddangos ym mhob Ward.

Biliau i'w talu:

Cyflog Clerc = £237.99

Ffôn = £ 10.00

Cyfrifiadur = £ 15.00

HMRC(nid £59.40 fel a nodwyd yn yr Agenda) = £ 61.63

Papur Bro Yr Wylan = £ 16.00

Ychwanegwyd:

Gwasg y Bwthyn = £ 9.96

Aled Jones = £ 150.00

Derbyniadau: Dim

Balansau Cyfrifon: Cadw £16,810.02 Cyfredol £15,651.86

14 Dewis gohebiaeth i fynd i'r wasg/gwefan

- Cyngorwr Newydd
- Baw Cŵn
- Cyfarfod Asiantaeth Cefnffyrdd

Gwefan - Cofnodion Gorffennaf, Manylion Cyngorwr Iddon Edwards

